

公山夏

陽光潑潑火雲凝海底蛟龍卽上昇徧撮山頭三伏暑却教化
作一團冰

公山秋

雲興霞爍映天衢松密山高壓地圖絕頂崢嶸人不到昭昭獨
放月輪孤

公山冬

同雲漠漠雪霏霏凜冽寒風刮地威吹起山中無限景瑤花瓊
萼滿天飛

東萊卽墨之牢山三圍大海背俯或作負平川巨石巍峩羣

道藏輯要

礪溪集

天

又胃集三

峯峭拔真洞天福地一方之勝境也然僻於海曲舉世鮮
聞其名亦不佳予自昌陽醮罷抵於王城永真觀南望煙
靄之間隱隱而見道眾相邀遷延數日而方屆遂閑吟二
十首易爲鼇山因清暢道風云耳

卓犖鼇山出海隅霏微靈秀滿天衢羣峯削蠟幾千仞亂石穿
空一萬株

道祖二宮南鎮海謂上清宮太清宮也王明三峒北當途謂太平興國是

知物外仙遊境不向人間作畫圖

初觀山色有無時十日遷延尙未之咫尺洞天行不到空餘吟

詠滿囊詩

浮煙積翠遶山城
疊嶂層巒簇畫屏
造物建標東枕海
雲舒霞卷日冥冥

三圍大海一平田
下鎮金鼇上接天
日夜潮頭風輓雪
彩霞深處有飛仙

佳山福地隱仙靈
萬壑千巖鎖洞庭
造化不教當大路
爲嫌人世苦羶腥

牢山本卽是鼇山
大海中心不可攀

上帝欲令修道果
故移仙跡近人間

重崗複嶺勢崔嵬
照眼雲山翠作堆
路轉山腰三百曲
行人一步一徘徊

道藏輯要

礪溪集

卷

又胃集三

松巖鬱岫瑞煙輕
洞府深沈氣象清
怪石亂峯誰變化
巨初開闢自天成

因持翰墨寫形容
陟彼高崗二十重
竇出巨屏千萬疊
一層崖上一層峯

四更山吐月猶斜
直上東峯看曉霞
日色麗天明照海
金光射目眼生花

天柱峯也巍峩獨建標
上穿雲霧入青霄
不知日月星辰謝
但覺陰陽氣候調

洞有佳名號白龍
洞也不知何代隱仙蹤
至今萬古人更變
猶自嵌巖對老松

洞有仙名喚老君也洞神清氣爽獨超羣憑高俯視臨滄海守靜安閑對白雲

華蓋真人宋太祖時得道者也上碧霄道山從此鬱清標至今絕壁幽巖

下尚有羣仙聽海潮

修真野客非才子行到鼇山亦有詩只欲洞天觀海日不勞雲

雨待青詞

白髮蒼顏未了仙遊山翫水且留連不嫌天下多官府只恐人

間有俗緣

修真卻似上山勞腳腳難移步步高若不志心生退意直趨天

上摘蟠桃

道藏輯要

碯溪集

又胃集三

鼇山三面海浮空日出扶桑照海紅浩渺碧波千萬里盡成金

色滿山東

山川皆屬道生涯萬象森羅共一家不是聖賢潛制御乾坤那

得久光華

可歎魏魏造化功山河大地立虛空八荒四海知多少盡在含

元一氣中

大安己巳膠西醮罷道眾相邀再遊鼇山復留題二十首

上清宮 十首

醮罷歸來訪道山山深地僻海灣環掉船即向波濤看化出蓬

萊杳靄間